

Martin Luther King Jr.: Pejuang Hak Sivil dan Pekerja



1Martin Luther King Jr melambaikan tangan kepada orang ramai di Washington. (Photo AP)

Martin Luther King Jr lebih dikenali sebagai pejuang hak sivil golongan minoriti. Tetapi beliau juga bekerja keras untuk hak-hak pekerja yang beliau lihat sebagai faktor penting untuk membasmi kemiskinan dan ketidakadilan ekonomi. Dalam ucapan yang disampaikan pada tahun 1965, King berkata: "Pergerakan buruh di Amerika Syarikat adalah faktor utama yang mengubah kesengsaraan dan kekecewaan menjadi harapan dan kemajuan. Hasil perjuangannya yang berani, reformasi ekonomi dan sosial melahirkan insurans pengangguran, pencegah warga tua, bantuan kerajaan kepada fakir miskin, dan yang penting sekali tahap gaji baru yang bukan semata-mata untuk kelangsungan hidup tetapi juga untuk kehidupan yang agak baik."

Kehidupan dan usaha King diingati di Amerika Syarikat pada hari Isnin ketiga bulan Januari setiap tahun dengan cuti persekutuan yang menggalakkan rakyat Amerika untuk tidak berehat di rumah pada hari tersebut, tetapi meluangkan masa dan usaha mereka untuk berkhidmat kepada masyarakat. King pernah berkata: "Soalan yang berterusan dan perlu diberi perhatian segera mengenai kehidupan adalah: 'Apa yang anda lakukan untuk orang lain?'" Setiap tahun, rakyat Amerika cuba menjawab persoalan tersebut dengan menjalankan pelbagai aktiviti secara sukarela seperti mengumpul dana bagi badan amal serta mengumpul dan mengedarkan makanan kepada yang mereka yang memerlukan.